

天津縣志卷之二十四

雜記志

史有雜傳子有雜篇所以廣採擇之門收浩濫之說也天津界燕齊之交太史公云燕齊多迂怪之士顧所見不經或無取焉若其單詞隻事於志中諸大端無所附士君子觀之有足備一方之典故無可廢者別錄數則亦拾殘補闕之意也志雜記至德二載正月李忠臣以步卒三千自雍奴爲葦筏過

海舊唐書

武清縣南八十里有三角淀周迴二百餘里卽古雍奴

天津縣志

卷之二十四 雜記

一

水也笥溝其別名其水自范甕口王家淀及劉道口魚

兒里諸水匯入大沽港入於海各勝志

南極虜池西至泉州雍奴東極於海謂之雍奴數其澤

野有九十九澱水經注

武清三角淀云是舊城陰晦之旦漁人多見城堞市里

人物填集燕山叢錄

按舊志以此爲塌河淀事

完顏佐初爲武清縣巡檢完顏蔽住爲柳口鎮巡檢久

之以佐爲都統蔽住副之戍直沽寨金史

至元二十五年四月增立直沽海運米倉元史世祖紀

羅璧督漕至直沽倉潞河決水溢幾及倉壁樹柵率所部畚土築堤捍之

元史本傳

至大二年四月摘漢軍五千給田十萬頃於直沽沿海口屯糧三年四月市耕牛農具給直沽酸棗林屯田軍

元史武宗紀

延祐七年四月海運至直沽調兵千人防戍至治元年

三月發民丁疏小直沽白河五月海漕糧至直沽三年

二月海漕糧至直沽

元史英宗紀

天曆元年九月募丁壯守直沽

元史文宗紀

至正九年四月立鎮撫司於直沽海津鎮十一年六月

天津縣志

卷之二十四 雜記

二

發軍一千從直沽至通州疏濬河道

元史順帝紀

至正十七年毛貴率賊衆由河間趨直沽遂犯鄆州

元史

列傳

二十六年六月命知樞密院事買閭以兵守直沽

元史順帝紀

直沽河淤數年中書省委崔敬浚治之給鈔數萬錠募

工萬人不三月告成

元史本傳

直沽設廣通倉

元史百官志

世祖定都於燕合四方萬國之衆仰食於燕以中吳水所聚也故建漕府萬艘如雲畢集海濱之劉家港於是

省臣漕臣齋戒卜吉於天妃靈慈宮卜既協吉仍率其屬鳴金鼓以統漕建纛置牙莫敢後先每歲春夏運糧舟將抵直沽卽分都漕運官出接運中書省復遣才幹重臣從至海壩交卸石以數百萬計而較計至於合勺顆粒畸不得虧盈不得溢是亦難矣

玩齋集

元海運自朱瑄張瑄始歲運江淮米三百餘萬石以給元京四五月南風至起運得便風十數日卽抵直沽交卸朝廷以二人之功立海運萬戶府以官之賜鈔印聽其自印鈔色比官造加黑印朱加紅

草木子

景泰元年漕粟十五萬自丁沽直沽舟行抵雄縣分給

天津縣志

卷之二十四

雜記

三

軍餉此路至今可通行也

掌記

正德五年六月罷濬沽河之役先是巡撫都御史劉聰建議開濬自沽河抵鴟鴻橋以便輸運至是工部言其

非便罷之

明武宗實錄

正德十六年九月工部覆遮洋運糧指揮王瓚奏直沽東北有新河以轉輸薊州所司不及時疏導河流阻澁必候潮至舟乃可行以致邊餉每匱請濬之使深廣以

通歲漕從之

明世宗實錄

嘉靖元年正月命工部主事江珊會同巡按御史天津兵備督理新河工程先是海口淤塞漕舟從天津出海

復折入梁河而達薊州道遠水湍舟數敗議者謂直沽  
東北岸有二道一曰新開一曰水套北接梁河徑四十  
里可以疏濬成河改由北道無涉海之慮謂之新河行  
之天順間民大稱便後歲久湮塞漕臣以爲言工部議  
委官督濬疏珊名以請從之

同上

燕南之地以水爲固畿內千里之水皆會於直沽武清  
之三角淀卽古之雍奴長濶百餘里寶坻之七里海亦  
渺然巨浸皆在直沽之內今不引之相通而更障之置  
巨壑於無用之地不惟河流不安亦且天險弗設良可

憾也

經世挈要

天津縣志

卷之二十四

雜記

四

直沽在縣東南一百二十里衛河白河丁字沽合流於  
此又東南四十里名海口通典謂之三會海口元於此  
置海津鎮天順二年議自小直沽鑿河四十里達薊州  
以免海運三年一濬尋罷

方輿紀要

大河以北之水多從直沽入海此卽古者九河入海之  
處地勢卑下遇霖潦直與海平昔人嘗欲因其填淤置  
稻田以足賦今府境諸水類以直沽爲壑

日下舊聞

小直沽有巡司

同上

楊柳青地近丁字沽四面多植楊柳故名于文定慎行  
詩楊柳青垂驛蘼蕪綠到船潘舍人季緯詩客路蘼蕪

綠人家楊柳青

長安客話

畿輔東南諸淀鈎連會於直沽武清有三角淀寶坻有七里海足以浸灌千頃田今皆棄為汙池誠師虞集海田之議用脫脫營田之規墾之歲可得粟百萬斛也

經世

挈要

大都之鹽太宗丙申年初於白陵港三岔沽大直沽等處置司設熬煎辦世祖至元二年又增寶坻二鹽場十九年改立大都蘆臺越支三岔沽鹽司使一二十五年復立三岔蘆臺越支三鹽使司

元史食貨志

前明崇禎十五年

天津縣志

卷之二十四

雜記

五

國朝大兵入畿輔山東次年始北歸封疆大帥無敢一矢加遺周將軍遇吉時調防天津大兵至巡撫馮元颺令出戰周以五百騎伏楊柳青大兵至邀擊之自辰鏖戰及酉其夜大兵徙營北去聞滿洲諸公言壬癸入關之役往來數千里如入無人之境惟見此一戰耳周後與其夫人禦闖寇死偏關最烈

池北偶談

張雲舉於天津衛得一人曰王義其行也嘗自天津至居庸一日來往八百里因號曰八百里人身瘦小不多食飲惟日啗二麥餅脰毛長二寸許舉足若秋鷹頃之滅沒每當平沙曠野欲止則直奔一樹以兩手抱樹久

之其神乃定抱樹不牢則兩足又踏空馳去矣

翁山文外

予官刑部尚書一日閱爰書有名螃鱉者徐侍郎為予

言今年津門鱉多而價廉予笑謂曰公因紙上郭索遠

思朶頤耶

漁洋詩話

王一位鹽山人乾隆二年閏九月作客寶坻一日挾重

貲歸宿天津海口早行至高沙嶺為盜所殺劫貲而去

所乘羸急走舊宿店以首擊門店人啓戶視之羸若有

所訴聲甚哀館人未悟也牽置廐中悲嘶不食人以為

異有老翁疑之曰爾有冤耶爾且食我當為爾明之羸

始俯首嚙草旋躍出戶奔至尸所人隨之得一位見殺

天津縣志

卷之二十四

雜記

六

狀遂聞之官捕盜而寘諸法仁和吳廷華為賦義羸行

詳藝文

張廷弼天津鎮營兵也路拾遺金四百訪原主還之總

兵某高其義授職把總今陞磁州都司

天津縣志後序

郡縣兩志具苦於考訂無書而縣志尤甚蓋天津河之名僅見於金史趙宗以前未之聞也今作志者雖得據禹河故道斷為漢之章武泉州然亦特兩邑之

瀕海偏隅與今之三堂窪諸地等百自元事海運設萬戶府其地明置衛領以指揮等官遂舉鹹鹵廣斥之野而衣冠文物之然在上者奮勳世職在下者強卒悍兵曰天津則天津已

耳遑問古今後胡觀察文  
璧創為衛志今所存購書  
一札反覆辨論典核周帀  
其用心良苦其為書必佳  
急求之則已不可得矣後  
之言天津者或以為析津  
或以為源通天漢至有以

康節杜鵑事為說者雖盡  
二酉之藏極百城之富而  
源湮流塞依然獻渺文微  
矧此區々卷帙已耶若吾  
所謂甚於府者蓋府屬青  
滄南靜鹽慶諸地其名號  
之沿革城郭之遷移見於



史冊者灼灼可見即或以  
清州本清國滄州始鉅靈  
悞成安之號於南皮混無  
棣之名於東省此特無事  
自擾不難引繩而正之若  
津邑則幾於無源之醴無  
根之芝矣逞其臆見左紐

右掌固然其無足怪今作  
志者欲挾根源於無源無  
根之地取精用物又止此  
斷榮零編是昌黎所謂區  
區修補百孔子瘡者惟是  
聞見求其有徵考據戒其  
傳會可自信者如此而已

昔子長作史半依世本康  
成注經多引緯書聞見考  
據固不免有識者之譏若  
遷未見左氏傳元未見古  
文尚書後之人不以為淺  
陋者誠諒之也觀斯志者  
其謂之何耶乾隆四年歲

次己未夏五月

內閣三禮纂修官舊內史仁和

吳廷華譔

